

Seyfiyê Şoşî: Jiyan, Berhem û Helbestên wî

Amadekirina: Besam Mistefa

Seyfi ki ye:

Seyfî nasnavê şai`rekî Kurdî Badînî ye, navê wî yê dirust (Ebdilletîf) kurê şêx (Yûnis) ê Şoşî ye...wisa ji destnivîsa wî dihête zanîn, û ji ber ku ew di hindek malikên xwe yê şî`rî da dide nasîn ku ew ji binemala pêxember-silav lê bin-e, li nik me misoger dibe ku ew ji binemala şêxên Şoşê yê ku heta îro jî li deverê di navdar in ..

Binemala wî:

Wesa ya navdar e ko binemala şêxên Şoşê di binyatê xwe de digihine binemala mamê pêxemberî-silav lê bin-`Ebbasê kurê `Ebdilmutelebê Haşimî yê Qureysî, lew bi nasnavê `Ebbasî dihête nasînê. Rehmetî şêx Tahirê Şoşî -ku yek ji zana û navdarên vê binemalê ye-dibêjit: wesa ya hatiye gotin û belavkirin ku em digihine Fedlê kurê Ebbasê kurê Ebdulmutelebî, mamê pêxember-silav lê bin- û zincîra navên binemala heta bapîrê me zanayê rebanî şêx (Şemsedîn) ê kurê şêx (Izedîn) ê Şoşî yê Quseyrî yê Ebbasî ya nasiyar e, û di gel zêde pêkol û lêgerînan min neşiya zincîra binemala wî bi dest xwe bêxim..

Ji vê dête zanîn ku binemala şêxên Şoşê di zincîra neseba xwe de digihête şêx (Şemsedîn) û di ser şêx (Şemsedîn) re û hetta Fedlê kurrê Ebbasî zincîr bi dirustî nehatiye zanîn!

Her çawa bit vê binemalê hijmareka zana û edîb û şairan pêşkêşî milletê Kurd kirîne yê ku roleka wan ya baş heye di pêşvebirina karwanê zanîn û rewşenbîriyê li kurdistanê de ji wana:

Şêx Şemsedîn bi xwe ku zanayekî navdar bû, û şêx Islam kurê şêx Ebdilrehman ê ku yek ji xelîfên şêx Nûredînê Birîvkî bû û xwedanê kitêba (Rahetul Fûad)û(Milhemelekbade), û şêx Tahir (1917-1962z) helbestvan û zanayê dehsehel xudanê vehînoka kurmancî(Gulzar)ewa ji 13 hezar malikan pêkhatî...û helbestvanê me Seyfî jî.

Seyfî li çi demê jiyabû?

Ji destnivîsa Seyfî diyar dibe ku jîna Seyfî dikefte nîva dûyê ji sedsala 12k û nîva yekê ji sedsala 13 (beranber sedsala 18 û 19 z) anku berî dused salan, çunkî ev destnivîse di navbera salên 1195-1201 k(1780-1786z) hatibû nivîsîn. Piştî me zanî ku Seyfî nasnavê şêx (`Ebdulletîf) ê kurê şêx (Yûnis) ê Şoşî ye ku li dîroka berî delîvekê hatî ye diyarkirin jiyabû, lê çawa be jî ev nav ne di jêderan de hatiye û ne li nik şarezayên vê binemalê jî naskirî ye !û di ti jêderên edeba kurdî de jî nehatiye ku şairekê Kurd bi navê Seyfî heye. Di encamê lêgerînan de, em bi ser navê du şêx (Yûnis) ên Şoşî ve hatin: Yek: şêx Yûnis ewê dîroknivîs(Mihemmed Emîn el-Omerî) di kitêba xwe de (Menhel el-Ewliyaa) ewa li sala 1201k(1786z) hatiye danan, behs jê dike û bi başî pesinên wî didet û dibêjit: li sala 1181k min ew dîtibû, û piştî hingê bi demekê çû ber dilovaniya Xwedê, û birayê wî şêx (Ebdullah) li şûna wî bû şêx.

Dido: şêx Yûnis pismamê şêx (Islam) ê xelîfê şêx (Nûredîn), ewê şêx Nûredîn kezezek bo hinartî..û herçende sala hinartina kaxezê ne diyare lêbelê her çawa be dê piştî sala 1240-k be.

Û piştî daneberheva salan eşkere dibe ku Seyfî pitir yê nêzîkî şêx Yûnisê yekê ye, ewê nêzîkî 14 salan berî Seyfî destnivîsa xwe binvîsît , mirî.

Jîn û serpêhatiya Seyfî:

Eger hat û ew şêx Yûnisê (El-Omerî) behs jê kirî babê Seyfî be dê bo me eşkere bit ku Seyfî di maleka têr zanîn de hatiye perwerdekirin, çunkî ev şêx Yûnisê wekî (El-`Omerî) şahidiyê bo dide mirovekî zana û şareza bû di zaniyarên şer`î de... Em çu ji jîn û serpêhatiya Seyfî nizanin belê ji destnivîsa wî diyar dibe ku ew mirovekî zêde şareza bû di edebiyatên kurdî û erebî û farisî de, û nivîsîna wî bo helbestên Melayê Cizîrî û Feqiyê Teyran û Melayê Bateyî nişana hindê ye ku agahdariya wî bi şer`î û edebê kurdî gelek bûye.

Eger bavê Seyfî şêx Yûnis li dorên sala 1181k (1777z) miribit, wate her çu nebe sala bûna wî dê bo berî hingê bi çend salan zivirt, û kêmkê jî yê wî li demê destnivîsa xwe nivîsî li sala 1195-k(1780z) divêt ji bîstê pitir bit, çunkî ew hingê şairekî desehel bû. Tiştêkê dî di derheqa Seyfî da em dişên bêjin: Destnivîseka berkeftî heye niha li Bexda ji layê şairê kurd (Xerîb) ve hatiye nivîsîn li sala 1237-k (1821z), têda du helbestên Seyfî yek bi kurdî û yek bi farisî hatine nivîsîn. Û ya eşkeraye ku(Xerîb) nasnavê mirê badîni(Mihemmed Teyar)paşayê kurê (Îsmail)paşa ye ewê li sala 1213-k(1798z) bo demeke kurt bûye mirê Amêdiyê paşî birayê wî(Murad Paşa)ew ji miratiyê êxist û li cihê wî bû mir û ew hinarte Akrê da bibite hakimê kela wê, Mihemmed Teyar Paşa li wir ma û dûr nîn e hetta mirî jî her li wir mabe, û li sala 1240-k(1824z)kurê wî(Îsmail Paşa)hakimê Akrê bû. Tiştê me divêt bêjin ewe:dibê Mihemmed Teyar Paşayî li Akrê helbestên Seyfî dîtibin û bo xwe nivîsî bin, tiştê hindê dighînit ku li sala 1237-k(1821z)Seyfî şairekî navdar bûye li deverê û dûr nîn e hingê mirbit jî!

Helbestvanî û helbestên Seyfî:

Dema ku mirov helbestên Seyfî dixwîne mirov hest bi hindê dike ku ew helbestvanekî şareza ye, xudan hestekî nazik û zanîneka berfireh e, û guman têde nîn e zanîna wî bo sê zimanan:kurdî, erebî û farisî û agahdariya wî bi berhemên hindê şairan karekî baş di rewşenbîriya wî de kiriye...û kartêkirina hindê şairên Kurd wekî:Melayê Cizîrî û Melayê Bateyî di şer`î Seyfî da tiştêkê eşkere û berçav e bo her kesekê şairên Seyfî bixwîne.

Heta niha hemû helbestên Seyfî ne hatine bidestxistin ji bilî yên ku di destnivîsa wî de hatin û em nabêjin wî çu helbestên dî ji bilî van nînin, nexêr..belkî di paşerojê da hêştê helbestên wî bo me diyar bibin. Zimanê Seyfî yê şer`î jî zimanekî sivik û rehwan e, û Farisiya wî jî gelek caran ya tamdaye bi peyivên kurmançî kanê çawa kurmançiya wî ya tamdaye bi peyivên farisî, û berî ku em xwendevanan bihêline di gel helbestên Seyfî, me divêt pêdaçûneka kurt li ser destnivîsa wî bikin.

Destnivîsa Seyfî:

Helbestvanê me Seyfiyê Şoşî destnivîseke mezin bo xwe bi xwe nivîsî bû, têde hijmareke mezin ji helbestên cuda cuda yên kurdî û farisî û erebî nivîsîbûn, û her di vê destnivîsê jî hijmareke helbestên xwe jî nivîsîbûn.. Li vir me divêt wê destnivîsa bo me bûye jêderê serekî bi rengekî berfireh bo xwendevanên hêja salox bidin:

Kaxezên destnivîsê di diyar in ku di kevin in û ji qebara (23x16sm) ye, û mixabin li hindê cihan keftin heye eger ne, dibe hêştê helbestên Seyfî bi dest me

Bi zeryok û bi tîtik bû
 Bi nîşan û bi netrik bû
 Siyeh û kala nazik bû
 Gulav zêra guher war hat
 Guher pêkve cewaher bûn
 Li ser dêmê di zahir bûn
 Pişt borî we hazir bûn
 Bi belbîk û kulavxwar hat
 Be belbîk bû bi hessabe
 Reşandî ji misk û gullabe
 Ji çeng û zenga şerabe
 Bi dol û saz û neqqar hat
 Şerab û heyzeran berda
 Xizêm û ney kirî serda
 Gula sor qet nema perda
 Wekî gul weqtê sehhar hat
 Wekî gul weqtê dilxwazin
 Heme zêr pişkoj û bazin
 Li ser singê bi awaz in
 Te nav baxî da bihar hat
 Di baxî da sing û derzî ne
 Zilîfe zêr mirarî ne
 Qewî berben bi rîşî ne
 Her ev sale wekî par hat
 Wekî par tewqe zerrî bû
 Heme têk befreke sipî bû
 Bejn selwaye ristî bû
 Bi cêrî û xizmet û kar hat
 Heme kar `enber û misk in
 Li rex dêmê hemî bisk in
 Mirarî û durr di ber bisk in
 Bi elmasê di muxtar hat
 Hemî elmas û zemrûd in
 Ji sêlan û ji ye`qûd in
 Di dêmê da di mewcûd in
 Enî gul bû di gulzar hat
 Di gulzarê gula sor e
 Bi `etrîşan û kafûr e
 Dikir `enber eser dûr e
 Wekî bayê di bulxar hat
 Wekî bayê dikir seyran

Li bin sayê bi xwaban im
 Çu xew nayê ji ber dînê
 Tsojêt dil ji êtûnê
 Wekî Ferhad û Şêrînê
 Bi xo find e û perwan im
 Bi xo find e wekî meş`el
 Ji rojî xoştir e her hil
 Heme aşiq mirin têkel
 Ez im kuştî ji `eynan im
 Ji `eynan û ji wan rûya
 Ji biskêt hûr û xemriya
 Ji `eşwe û naz û ebrûya
 Çu bide abê lerzan im
 Di lertzim cezbeya dil da
 Ji `eşqê cuzeyekî hil da
 Vema peykan dilê kul da
 Bi êş û derd û pir jan im
 Ji ber janê ezê mest im
 Du reşmara bi xo geztim
 Bi zulfa qeydkirim bestim
 Ez im yeqşîr di zindan im
 Di zindana di misrê me
 Ez im dayim di `esrê me
 Necarek qet li yusrê me
 Bi huzn im pîrê Ken`an im
 Gehît Yûsif bi kenanê
 Esîr derket ji zindanê
 Ezîzê bûyî der anê
 Ezê bê çare bê anim
 Ez im bê an ji tehsîlê
 Çi cayê şerh û tefsîlê
 Disojim şubhî qendîlê
 Ji ber qurbê û hîcran im
 Ji ber hucre tekem hucret
 Xurabê da me kir rihlet
 Birro Seyfî xilas zehmet
 Bi zêrê lutfê Yezdan im.

Ji derdê eşqê bedhal im

Ji derdê eşqê bedhal im
 Ji hubba rengê re`nayê

